


IOH. WILH. DE GOEBEL  
SERENISS. DVCI BRVNSV. LVNERVRGICO A CONSILIIS  
AVLICIS ET DICASTERII GVELPHICI ASSESSORIS IN ACAD. IVLIA  
PANDECTARVM PROF. PVBL. ORDIN.

DE  
ARCHIOFFICIORVM  
S. R. I. ORIGINE .

ET  
ARCHITHESAVRARIO



DISQVISITIO.



---

HANNOVERAE MDCCX. EDITA.

---

L I P S I A E  
RECUSA IN OFFICINA LANGENHEMIANA  
MDCCXXXV.

THE UNIVERSITY OF CHICAGO

LIBRARY

1000

1000

1000

1000

1000

1000

1000

1000

1000

1000



CAPVT I.  
DE  
ARCHIOFFICIORVM  
ORIGINE.

BREVIARIVM

- §. I. *Franci Aulica sua officia Constantinopolitanae debent Aulae.*
- §. II. *Ista nec vno eodemque tempore, nec pari splendore et numero exorta videntur.*
- §. III. *A Francis caeteri Germani ea didicisse creduntur.*
- §. IV. *Officia ista, cum Principum potestate successiue noua autoritatis additamenta nanciscentia, ab Imperatoribus Principum aulis deinde confirmata putantur.*
- §. V. *Determinari vix posse, quo tempore in Germania nostra summa ista (vt hodie audiunt) Officia Imperii facta sint haereditaria, et ad certum numerum definita.*
- §. VI. *Secularibus Archiofficialibus quatuor vnde quintus additus sit.*

## §. I.



Non tam a Romanae 1) quam Constantinopolitanae 2) Aulæ moribus officia sua Aulica petiisse Francos 3) veritati consentaneum videtur. Nam prioribus temporibus Imperatorum Romanorum amicis raro peculiaria Domus Augustae attributa sunt munia : Sed prout Principis fauor, aut singularis aliquando prudentia huic vel illi aderat, in partem curarum vocabantur.

- I) Romanorum Reges modicis suis rebus Celerum centuriis, nobilissimorum ferocissimorumque Iuuenum globum continentibus, a) qui ipsis in pace decus, in bello praesidium, affatim consulere putabant. Rem vero Romanam ex Senatorum consiliis moderabantur. Imperio deinde L. Tarquinio Regi abrogato, Consules aliosque Magistratus Officiales domus certis sub titulis aluisse, nemo sibi facile persuasum habebit. Cum autem cuncta demum, ciuilibus discordiis fessa, sub vnius venirent Imperium, Imperatores, mixto aut confuso

---

a) Liuius l. i. p. m. 18. Dionys Halicarnass. l. 2. p. m. 65. ed. Reg. ἐκ τῶν ἐπιφανέστατων οἰκων.

confuso potius Regimini assuetos Reipublicae veteris specie fascinare, animum adiicientes, Principum Senatus, Consulum et Tribunorum plebis sumebant nomina, popularibus suis gratissima. Et ne domesticorum turba, libertatem cum vnius Imperio stare negantibus metum incuteret, ac si antiquam Regiminis formam mutare et in Republica erigere Regnum conarentur, paucos aliquot secretorum participes, quorum opera in labefactandis Senatus-Consultis et destruendis rationibus Maiestati, licet curatissime ab initio dissimulatae, contrariis, vterentur, sibi sufficere rati sunt. Hunc in finem nobilem aliquam iis in Republica procurarunt spartam, ut eorum fide freti eo facilius placita sua promouere possent. Succedentibus deinde temporibus Imperatorum Domus per plures regi, aut potius distrahi coeperunt liberos, quorum vnus prae alio sese Principis fauori insinuabat, prout mores ad ipsius nutum aut habebat, aut componebat; Facile enim erat per luxum et lasciuiam in gratiam Neronis aduolare: aut prout Augustarum, aut earum, quarum Caesares vel animis vel corporibus insueuerant, gratia florebant. Nam non solus Claudius mulierum Imperiis obnoxius fuit. Singularia tamen libertis istis non videntur imposita fuisse munia. Nec ad officia admittebantur publica, b) licet ciues, muneribus Coactorum et Apparitorum exceptis. Inuenio nihilominus Narcissum Quae-

---

b) Sigonius de antiquo iure ciuium Rom, l. 2. p. m. 124.

storis insignibus c); et Pallantem Antoniae, Claudii matris, libertum d), Claudio in paucis carum, vt relationis de poenis foeminarum, quae seruis coniungerentur, repertori, praetoriis insignibus e) (praetexta et annulis, quibus Praetorii utebantur) et magna pecuniae summa esse donatos. Caeterum Praefecto Praetorio, a solo Imperatore constituendo, f) summi Aulæ officialis dignitatem non facile denegaueris. Non solum enim in Praetorianarum cohortium Rectorem, sed et in Consiliarium sanctiorem et supremum Aulæ iudicem assumptum fuisse, aliquibus videtur. Posterius Taciti g) suadere existimant loca: *Nero interficiendae Matris audius, non prius differri potuit, quam Burrus eius NECEM PROMITTERET, si FACINORIS COARGVERETVR.* Deinde a Burro, postquam crimina et autores exposuit, minaciter actum. Burrus quamuis reus inter iudices senten-

c) Tacitus Annal. XI. C. 38.

d) Ioseph. Antiquit. Iudaic. l. 18. c. 8.

e) Tacitus Annal. XII. c. 33. p. m. 222. et Lipsius in notis p. m. 172. Plinius epist. 29. l. 7. et epist. 6. l. 8. ubi in monumentum Pallantis in via Tiburtina, intra primum Lapidem positum, inuehitur potissimum sequentibus: *Omitto, quod Pallanti seruo Praetoria ornamenta offeruntur, quippe offeruntur ex seruis, mitto quod censent, non exhortandum modo, verum etiam compellendum ad usum aureorum annulorum.* Erat enim contra Maiestatem Senatus, si ferreis Praetorius vteretur.

f) Tacitus Ann. XII. c. 4. XIV. c. 51.

g) Ann. XIII. c. 20. 21. p. m. 240. c. 23. p. 241. edit. Ryck.

*sententiam dixit.* Ad Romanorum deinde exemplum in Palatiis Francorum aliorumque Germanorum Palatinum olim et in ipsum Regem h) ius dixisse, putes.

2) Imperatoria sede, Roma Constantinopolim, maximo Imperii Romani malo, a Constantino Magno translata, Imperatores Asiaticorum Monarcharum mollietatem et fastigia magis adhuc affectare coeperunt. Et ut splendoris et potentiae suae apertiora exstarent indicia, Aulae Ministros diuersis sub titulis lateri suo adhaerere voluerunt. Dignitates istas Constantinopolitanae Aulae, praeter Codicis primum et tres ultimos libros, Guido Pancirollus in Commentario ad notitiam dignitatum utriusque Imperii, Gutherius de Officiis Domus Augustae, Codinus de Officiis Ecclesiae et Aulae Constantinopolitanae, a Francisco Iunio \*) primum e graeco translatus, Bulengerus de Imperio et Imperatore Romano referunt.

3) In multis gentibus esse video, quae non erubescamus imitari, et pleraque ad usum, nitorem et voluptatem spectantia, ex aliorum exemplo solent assumi. Romani Hetruscis ritibus a) cultum aliquem moribus suis comparare nitebantur: Germanicarum autem Gentium Francos Principes aliquid

---

h) Aurea bulla c. 5. n. 3. Limnaeus iuris publ. t. 1. l. 3. n. 39, Tolnerus in Historia Palatina c. IV. p. 113. ubi fere infinitum Autorum huc spectantium citat numerum,

\*) Vossius in praefat. lib. de arte Historica.

a) Liuius lib. I. c. 8. p. m. 5. edit. Gronou.

aliquid splendori dedisse, putamus. Illi enim in Gallia firmum sibi stabiliens Regnum, cum Graeco-Romanis multa tum pacis tum belli habuerunt negotia. Imo et Constantii tempore Francorum b) multitudinem in Palatio floruisse, fertur. Crederem, Imperatores, ferociam eorum, Romanis rebus tam noxiam, efficacibus honorum delinimentis aliquo modo emollire, fategisse. Et Iulianus, tum temporis Imperatoriarum copiarum summus Praefectus, non vna vice cum Francis manus conferuit, eosque Attuarios c) in limine Germaniae secundae i. e. Colonienfis agri, superauit. Persuasum igitur sibi non pauci habent, Graecos et Francorum officiis aulicis occasionem praeuisse; quicquid contra Conringius d) differat, officia ista nec a veteri nec a noua Roma deriuanda esse. Mallincrot, e) quem in multis alias Conringius secutus, multa ex Graecorum consuetudinibus ad nos traducta largiens, hic nihil determinare audet. Certe circa hanc rem alii non equidem dubitant. Siquidem Germani, vitae simplicitate gaudentes, in hunc Aularum decorem parum incidissent, nisi a gentibus lau-

b) Ammianus Marcellinus l. XV. c. 5. edit. Gron. p. m. 78.

c) Ammianus Marc. l. XX. c. X. p. m. 277. qui Attuarii fuerint, vide apud Valesium in notis ad hunc locum. Attuuariorum Germanorum mentionem iniicit quoque Velleius Paterculus l. 2. c. 105. p. m. 339.

d) de Officialibus Imperii § 6. p. m. 593.

e) de Officiis secularium Electorum c. 3. p. m. 168.



lautiori vitae vacantibus , originem eius repetiissent.

## §. II.

Officia ista in Francorum Regiis nec vno eodemque tempore , nec simili , quo deinde apparuerunt splendore et numero 1) prodiisse, verisimile est. Reges enim, crescentibus indies magis magisque viribus, ex amplioribus quoque Ministrorum honoribus, famae suae aliquid addere, cogitarunt.

- 1) Mezeraeus a) in Clotario II. Officiales recenset: Maiorem domus , in cuius locum sub Pipino et Carolo Magno Comitem Palatii subiisse , putant; Magnum Referendarium, cui musci inferiores Referendarii et Cancellarii subordinati fuerunt; Magnum Apocrisarium, qui omnem Clerum palatii sub cura et dispositione sua regebat. Hunc sub secunda demum Galliae Regum stirpe primo dictum Archi-Capellanum (vt vult Mezeraeus) asserere timeo. Nam Hincmarus b) Apocrisarium et Palatii Custodem iam tum ante Capellanum , qui in Capella palatina , vbi archiua regia asseruabantur ; potissimum munus suum exercebat, esse dictum, adstruit. Imo Dado, qui et Audoënus, Dagoberti Regis Referendarius , a
- B
- Frede-

a) tom. I. abbrege chronol. p. m. 115.

b) Opuscul. 9. p. m. 207. edit. Paris.

Fredegario aliisque in variis tabulis Cancellarius; in charta autem Dagoberti Archi-Capellanus dicitur. Apocrisarium prioribus quidem temporibus idem fuisse, qui Referendarius, ex Cangio c) innotescit: At postea Apocrisarium supremam saltim rerum sacrarum in Aula curam habuisse, ferunt. Cubicularium (Camrarium) et Comitum stabuli antedictis addit: De Dapifero autem siue de Senescallo dubitat, vtrum ante Pipinum Nanum locum habuerit; Sed ante Pipinum existisse cum Mezeraeo in dubium vocare nequeo. Constat namque ex Marculfo d) aliisque sub prima iam tum Regum stirpe inter optimates, qui placitis ac iudiciis Regiis intererant, Senescallum esse relatum. Pincernae nullam Mezeraeus mentionem iniicit, fortassis quod opinatur, prioribus temporibus vnum tam cibis quam potui Regio praefedis. Certum tamen est, Buticularii e) interdum nomine ipsum Regio potui praefectum notatum fuisse. Capitulare de villis C. 16. *Ministeriales nostri Senescalus et Buticularius.* Hugo, Pincerna Regis in charta Geruini Abbatis Centulensis,

---

c) apud Labeum in Misc. Histor. t. 2. p. 54. Cangii Gloss. t. 1. p. 785.

d) l. 1. form. 25. Mabillon t. 4. vitar. SS. ord. S. Benedicti p. 617. et 619. Cangii Glossar. p. 800. t. 3.

e) Buticularius a *Bérlier* cupella, cupa, Lindenbrogius in Gloss. p. m. 1366. Menage dans le dict. Ethymol. p. m. 123. Du Cange Gloss. med. et infim. graec. t. 1. p. m. 223.

tulensis, Hariulfo Buticularius Regius dicitur. f) In diplomate Ludouici Bauari g) quo Geldriae Comitem ad Ducalem euehit honorem, Pincerna, Buticularius seu Pocillator vocatur. Et vt tanquam Pincernarum inferiorum caput, cui cum aliis maioribus Palatii Officialibus diplomata et literas Regias subscribendi facultas competeat, innotesceret, nonnunquam Pincernarum Magistrum h) nomen ipsi tributum inuenies. Tölneri i) sic et Cocceii k) aliorumque verba, ab antiquissimis Regum Franciae temporibus quatuor semper fuisse primaria officia aulica, profitentium, aliquo modo restringi debere, arbitreris. Prouocant quidem ad Caroli Crassi constitutionem, quae in singulorum Principum Aulis, ad Regis exemplum, Officiarios Marescalcum, Dapiferum, Pincernam, Camerarium esse iubet. Verum enim vero istam Constitutionem l) non esse Ca-

B 2

rolo

- 
- f) Du Fresne l. c. t. 3. p. m. 280.  
 g) Leibnitius in Codice Iuris gentium diplomatico p. m. 152.  
 h) Annales Franciae a Pithaeo editi ad annum 818.  
 i) In Historia Palatina c. 6. de Archiofficiis Imperii p. m. 163.  
 k) In Iuris publici prudentia c. 9. p. m. 217. nouiss. edit.  
 l) Constitutio ista sub nomine Caroli Crassi primum a M. Velfero Rittershusio communicata, a quo edita et a Frehero commentario illustrata est. Inter constitutiones a se collectas eam exstare voluit Goldastus, et Boecleri notitiae Imperii adhaeret.

rolo Crasso, sed potius Conrado II. m) aut Carolo IV. adscribendam iam dudum Viri docti docuere. Etsi Crassi esset, ex ea tamen colligi non posset, quaternarium primariorum Officialium numerum in Francorum Palatio non interrupti et stricti semper fuisse vsus. Lehmannus, n) quem in asserti sui maiorem fidem citat Tölnerus, occasione solennium epularum, ab Ottone I. in Germanorum Regem electo, instructarum, Imperatores et Reges constituisse, vt Imperii Principes, ex Aulae Regiae moribus, in suis Truchsesium (Dapiferum) Marescalcum, Camerarium et Pincernam alerent, refert. Ex quibus liquide admodum patescit, Lehmannum plane non loqui de antiquioribus Francorum rebus, sed tempora post Pipinum breuem, vbi Francorum Regibus Augusti titulus additus est, respicere. Forsitan alicui opinio suboriretur, ad Saxoniorum Imperatorum tempora haec spectare, nisi alio loco o) ista officia sub Ministerialium et Capitaneorum ministerialium nominibus in Francia celebra fuisse, ex Hincmaro affirmaret. Hic Archi-Episcopus Rhemen-

---

m) Boeclerus in Notitia Imperii l. XV. c. 2. p. m. 243 et in rebus Sec. IX. et X. p. m. 186. Schilterus in Commentario ad ius feud. allemann. §. 10. p. m. 98. Eam vero Carolo Crasso constanter vindicauit cum Cangio Lehmannus in chron. Spiren. l. 2. c. 43. p. m. 352. Goldastus in statutis et rescriptis p. 28. et in constit. p. m. 207.

n) Chron. Spir. l. 5. c. 3. p. 340.

o) l. 2. c. XIII. p. m. 64.

Rhemenſis p) Apocriſiario ſummos Officiales, Camerarium, Comitem Palatii, Senefcallum, Buticularium, Comitem Stabuli, Manſionarium, Venatoresque principales quatuor, Falconarium vnum adiungit. Ex quo apparet, nec Carolingorum tempore Aulae Officialium numerum praeciſe ad quatuor fuiſſe reſtrictum. Nam hi omnes vni includuntur claſſi, ita vt nullam inter eos differentiam, niſi ordinis, facile credideris.

## §. III.

A Francis deinde ad Saxones caeterosque Germanos digniora Aulae defluxiſſe miniſteria, putatur. Non tamen inficias iuerim, in Gothorum 1) et Lombardorum 2) Aulis officiales quosdam eminentes duſſe: ſed quia Germanis cum Francis continua fere aut pacis aut belli interceſſerunt negotia, rectius videtur ab eorum moribus Aularum Germanicarum cultiorem habitum arceſſere. Officiales quosdam domeſticos a longo tempore in Germania noſtra imprimis in Monasteriis 3) fuiſſe receptos, notum eſt: Deinde autem, crescente paulatim Principum poteſtate, Officialium iſtorum dignitas quoque maiora indies

B 3

ſumſit

sumsit incrementa , donèc in Germanorum Principum Aulis magnae Autoritatis Senescalli, Pincernae , Marefchalli et Camerarii audita sint nomina.

- 1) Opinio fortassis quibusdam suboriretur, Caballarium a) Legatorum aliquem , ab Eraricho Gothorum Rege ad Iustinianum missorum, nomen officii non generis fuisse , ita vt idem fuerit Caballarius, qui Comes stabuli. Etenim Gothorum Reges , ad Constantinopolitanae Aulae methodum, Ministros aliquos excellentiores sibi adesse haud dubie gauisi sint ; inter cuius dignitates Palatinas Καβαλλάριος b) quoque recensèbatur. Sane me haud fugit Καβαλλάριος et denotare militari cingulo donatum (Chevalier) c) vnde factum, vt praedia seruitio militari obnoxia Caballaria d) dicta sint: An autem Gothis solenne fuerit, creare Equites, creatosque inde appellare , ita vt Erarichus saltim Equitis titulo insignis fuerit, aliis determinandum relinquam.
- 2) In rebus gestis Longobardorum a) commemoratur,

- 
- a) Procopius Hist. Goth. l. 3. ap. Grot. p. m. 311.  
 b) Du Cange in glossario ad Scriptores med. et infim. graec. t. 1. p. m. 527. tamen, non liquere, addit, cuius fuerit munus. In quo ipse Bulingerus de Imp. Rom. l. VIII. p. 652. suffragatur.  
 c) Du Cange l. c.  
 d) Du Cange gloss. med. et inf. latinit. tom. 1. p. m. 665.  
 e) Paulus Diaconus c. 9. ap. Grot. p. m. 781. Knichenius in notis ad Puteani Histor. Insubr. l. 2. p. m. 155.

ratur, quod Alboinus Longobardorum Rex, Gilulfum, ut fertur, suum nepotem, virum per omnia idoneum, qui eidem Strator (stabuli praefectus) erat, quem lingua propria Marpabis appellant, Foro-Julianae Civitati et totae regioni illius praeficere statuerit.

- 3) Illustri Corbeiae novae Ludovicus Pius anno 815. Marfcallum haereditarium Dominum Ottonem de Vaelhusen a) constituit, cuius stirpe mortali-  
bus exempta, dignitas haec in Dominos de Stock-  
hausen translata est: Malsburgiis b) vero Pincer-  
natum haereditarium eiusdem Monasterii contulit.  
Monachus sancti Galli, simplicem aliquem Mo-  
nachum, arma cum confratribus suis in hostem  
sumentem, eorum exemplo, aduentantibus Vn-  
gris, fugam capessere noluisse, quia corium ad  
calceos hoc anno ipsi Camerarius c) non dederat,  
autor est. Officiales isti olim et Ministerialium  
nomine venire solebant. Sic in diplomate, d)  
quo Conradus III. Imperator Wiboldum Abba-  
tem Corbeiensem, ob eximias virtutes et egre-  
giam pietatem sibi prae reliquis carum, aduersus  
Mini-

---

a) Lezneri chron. Corbeienſe p. m. 138. 142.

b) Leznerus l. c. p. 59. 123.

c) Ekkehardus de Casibus Monasterii S. Galli c. V. apud Goldastum Rer. Allemanni. t. 1. p. m. 30.

d) Scatenii Annal. Paderb. part. 1. p. 784. Annales Cor-  
beienſes itidem memorant, Wicpolto multas molestias  
a Dapifero et Pincerna factas esse. apud Paulini t. 2. Rer.  
german. p. m. 395.

Ministerialium insolentiam tutatur, eorumque potestati terminos figit, Officiales, Dapifer, Pincerna et Camerarius Ministeriales vocantur. Imo Episcoporum, Principum, Abbatum, Comitum Officiales, qui vna cum Dominis suis huic diplomati subscribunt, Ministeriales dicuntur. In fine chartae Arnoldus de Rotenburch Dapifer, Henricus Marecallus, Reingerus Pincerna, Thiepertus de Winsperg Camerarius recensentur. Vtrum hi Imperatoris, aut Marquardi de Grunbach, cuius ultimo omnium mentio fit, Ministeriales fuerint, ignoro. Nam in antedicto diplomate aliorum Imperatoris Ministerialium, Conradi de Haga et Conradi de Walhusen, mentio iniicitur. Nisi dicere velles, in fine diplomatis notatos hisce successisse; aut plures vnus generis Officiales vno tempore in Imperatorum Aulis durasse, et alternatis vicibus officio suo defunctos esse: aut vnus nominis diuersis rebus fuisse praefectos. Enim vero vocat ibi Imperator Conradum de Walhusen Camerarium suum a Thesauris. Ex hoc diplomate liquet quoque, Officia ista Monasteriorum, si ab initio certis familiis haereditarie collata sint, deinde in haereditate esse desisse, imo nec ad vitam data videntur. Nam Rabano, qui tunc in Corbeia noua officium Dapiferi administrabat, vicio vertitur, *multa comminatione asseruisse, quod potestatem officii sui, quam haftenus in illa domo exercuerat, nunquam, dum viueret, relicturus esset. Intra muros Corbeiensis Monasterii, quandam similitudinem dignitatis sibi haere-*



*haereditario iure vindicasse, quam praefecturam appellabat, et se Burckgrafum appellari faciebat.* Potest tamen esse, Ministeriales istos haereditarios vicarios suos cum temporaria potestate in Monasteriis habuisse, qui ad quotidiana munia obeunda assumpti erant, ipsis in solennibus saltim festis officia sua exercentibus. Ministeriales Episcopi Paderbornensis Conradum Camerarium, Iohannem Dapiferum, Witheroldum Pincernam, Hermannum Marschallum, Tabulae Hardehulano Coenobio a Bernhardo Episcopo Paderbornensi e) consignatae, docent. Ministerialium quoque, ut officialium, Tabulae f) pacificationis inter Sifridum Colonensem Archi-Episcopum, et Ottonem Episcopum Paderbornensem mentionem faciunt. Scimus, alias et omnes Episcoporum Principum et Monasteriorum vassallos g) in latiori significato Ministeriales esse dictos.

## §. IV.

Imperatores vero Saxonicae et Sueuicae stirpis Imperii Proceres ad modestiores potentiae terminos, absque totius Imperii conuulsione maximoque sui periculo, 1) redigi non posse intelligentes, molliora animum induxerunt sequi consilia, adultamque Principum po-

C

testa-

e) Schat. Annal. t. I. l. 9. p. m. 880. 881.

f) Schatenii Ann. t. 2. p. m. 160.

g) Meibomius in notis ad chron. comit. Schaumb. t. I. Rer. Germ. p. m. 533. Goldastus rer. Allem. t. I. p. m. 133.

testatem et splendorem potius omittere, Inque suam vertere Maiestatem, quam, aliquid in diminutionem eorum moliendo, totam in exitum dare rem Germanicam. Igitur iis non tantum ex Officialibus istis eminentioribus propullulans fulgor permixtus, sed et post imperiali sanctione confirmatus est. 2) Oportet enim Germanorum Imperatores, fastigio suo longe alios superantes, et in Principibus suis Regibus praesidere.

- 1) Non leues Germaniae concussiones ex Imperatorum in Principum potestatem machinationibus enatas esse, Germanica historia abunde testatur.
- 2) De supra citata Conradi II. aut Caroli IV. Constitutione, si genuina est, loquor.

### §. V.

Non tamen, officia ista summa Imperii, vt hodie veniunt, vel Ottonis Magni, vel Imperatorum ipsum proxime attingentium aetate, 1) haereditaria aut perpetua, aut ratione numeri determinata 2) fuisse, satis constat. Siquidem Imperatores, ea pro lubitu suo huic aut illi Optimatum, Germanico Imperio parentium, in honorum augmentum, 3) in solennibus Curiis contulisse, videntur. Postea vero vel expresse, vel tacite certis familiis, vt terris earum

earum haereditarie adhaerent, ab Imperatoribus 4) in feudum collata sunt.

- 1) Widekindus Corbeienſis recenſet, a) Ottonis I. Regis epulis, inauguratione Aquisgrani peracta, *Lothariorum Ducem Giſelbertum, ad cuius poteſtatem locus ille pertinebat, omnia procuraffe* (Camerarius) *Euerhardum Franconiae Comitem menſae praefuiſſe* (Dapifer) *Hermannum Sueviae Ducem Pincernis* (Pincerna) *Arnulphum Bauariae Ducem equeſtri Ordini et eligendis locandisque caſtris praefuiſſe* (Marſcallus). Ottoni III. Quedlenburgi Paſchatis feſtum celebranti *Henricum Bauariae Ducem ad Cameram Heziliū Palatinum ad cellarium miniſtraſſe, Bernhardum Saxoniae Ducem equis praefuiſſe* b) *Lotharius Imperator Regem Daciae (veteres quamplurimi male Daniam vocant Daciam, vide Grotii prolegomena Hiſt. Goth. etc. p. m. 6.) in ſignum ſubiectionis, ad decorem Imperialis reuerentiae gladium ſibi ſub corona deferri fecit.* c) Veterum monumenta deinde de Officiis iſtis Imperatoriae Aulae, uſque ad Friderici Barbaroſſae tempora, videntur ſilire. De clariffimo enim Moguntiae Conuentu, ſub eo inſtituto, dicitur, *Officium ibi*

C 2

Dapi-

- a) Ann. l. 2. apud Meibom. t. 1. p. m. 643. vide et Paulum Windeck de Eleſt. Imp. c. 14. Gold. de Iuribus Regni Bohemiae c. 8. Mallincrot de offic. Eleſt. ſecul. p. m. 167. Schatenii Ann. Paderb. t. 1. p. m. 176.  
b) Ditmarus Mersburgenſis l. 4. p. m. 349. Leibn. edit. Schatenius in Annal. t. 1. p. m. 329.  
c) Otto Friſingenſis l. 7. chronicorum c. 19. apud Vrfiſ. p. m. 149.

*Dapiferi, seu Pincernae, seu Camerarii, seu Marscalli non nisi Reges, vel Duces aut Marchiones administrasse.* d) Ex hisce omnibus perspectum habemus, notabilem officia ista passa esse mutationem, nec certis stirpibus haereditarie, nec certis personis necessario, ad vitam tantum, ab initio adhaesisse. Quando autem coeperint esse in Germania haereditaria, definire non audeo. Conringius e) id sub Friderico I. factum ait. Mallincrot f) ad Fridericum II. videtur referre. Wagenfeil g) ante Ottonem III. facta esse haereditaria, diducere laborat. Alii Elektoribus coniuncta primum in haereditatem abiisse, defendunt. Sed quam incerta sit Elektorum origo h) et quot inutilibus saepe paginis ventilata, leuiter saltim rerum germanicarum peritis non ignotum erit. Nec omni dubio caret, cuncta Archiofficia ante Elektoratus esse instituta. Nam si Archi-Cancellarios sub summis Officialibus comprehendimus, in contrarium habemus exemplum. Siquidem Treuirenses i) Archi-Episcopum, nec Friderici II. tempore per Regnum Arelatense, aut Burgundiam Archi-Cancellariatum obtinuisse, certum est. Ego a veritate minus abhorreere reor, officia ista sub Henrico

---

d) Arnoldus Lubecensis l. 3. c. 9. Conring. l. c. p. 547.

e) De officialibus Imperii §. XV. p. m. 548.

f) l. c. p. 168.

g) De officialibus et subofficialibus Imperii p. 275. C. XIIIX.

h) vide tamen illustris Leibnitii praefat. codicis iuris gent. diplomat.

i) Mallincrot. de Archi-Cancellariis Imperii p. m. 45.

rico VI. demum haereditaria facta esse. Ille enim k) *ut militiae successionis iure deuoluerentur ad proximiores cognationis gradus*, constituit. Et ut Palatinos i. e. magnos Aulae Officiales, quorum Electio formalis, stabilita successione haereditaria, quam appetebat l) cessasset, aliquo in compensationem dato, demulceret, credo Officia Imperii summa ipsis in haereditatem largitum esse Caesarem, ut eo paratiori animo proposito suo subscriberent.

- 2) Veterum monumenta excutientibus apparet, in Imperio nostro Germanico praeter Officiales istos seculares quatuor, et alios a) quaedam exercuisse Imperii munera. E. c. Comitis Palatii Romani et Vexilliferatus Castrucius Dux Luccae, Protouestiarii Dux Geldriae, Stratoris et Incisoris Dux Luxemburgi, Senescalli in Regno Austrasiae Dux Lotharingiae, Imperii Venatorum Duces Pomeraniae. De Comitum Oldenburgicorum Imperii aggerum praefectura (*Reichs-Diö-Meister-Ambt*) res adhuc in incerto est, quia Oldenburgensium tabularium in huius rei fidem nullum continet instrumentum. Antibellatoris siue Primopilariatus inter Rhenum et

C<sub>3</sub>

Vi-

k) Geruasius Tilberiensis in otis Imperial. ap. Leibn. in Script. Brunsv. p. 943.

l) Chron. magnum Belgicum apud Pistorium p. 203. Consilium vero istud adeo contra vertit, ut potius in eius filio cessasse successionem, coepisse electionem dici possit. Leibnitius in praefat. mantissae cod. diplom.

a) Electa iuris publici p. 18. vbi diplomata ex illustribus Leibnitii codice iuris gentium diplomatico citantur.

Visurgim munus Comes Arenbergius, quod Godofredus ultimus Comes ex familia Arenbergica, prolis expers, praefuli et Ecclesiae Colonienfi vendidit. Est autem Antibellatoris munus, *potestas dandi conductum et mandandi ne absque eius consensu in eo inter Rhenum et Visurgim tractu arces aut munimenta quisquam moliatur.* b) Fortassis ab initio quaedam antedictorum Officiorum pari gradu cum quatuor istis prioribus fuerunt: Sed postquam ex Electoratibus Pincernae, Dapifero, Marscallo et Camerario nouus additus est splendor, reliqua inferiori loco esse coeperunt, et deinde vsus eorum videtur insigniter imminutus, ita vt hodie eorum vix habeatur ratio.

- 3) Seruile aliquid Archi-Officiis hifce inesse, criminari Bodinum, praeter Mallincrot a) Arumaeus b) atque Cocceius c) alique statuunt. Vatinianum alias Germanorum hostem hac in parte excusat Limnaeus, nihil in sua editione libri Bodini de Republica, Francofurti apud Wechelii viduam typis impressa, Officiis Imperii detrahens, reperiri, docens. Nec mea editio d) Archi-Officialibus aliquid inuisum continet: Nisi illud colligere velles ex iis, quod dicat, *Imperatorem ad suos Creatores et Principes Germanorum, quasi ad seruos domesticos orationem habere,*

---

b) Gelenius l. i. Synt. 6. p. 251. Imhofii noticia Procerum l. 2. c. IV. p. 28.

a) l. c. p. 168.

b) Ad Aureae Bullae c. 27. p. m. 325.

c) c. IX. iuris publ. p. m. 210.

d) Vrsellii 1601. typis exscripta l. i. c. 9. p. 191.

*habere, iisque imperare vt. seruis. Nomine enim gallico prorsus indignus esset, gallicae praerogatiuae assertor impudentissimus, si in Imperii Officialibus Primariorum Franciae Principum, Regi coronando Ministeriales praebentium manus, honori noceret. A magno enim Camerario Franciae Regi Caligae calcantur, et postmodum a Duce Burgundiae Calcaria eius pedibus adstringuntur e) Ludouicus XIII diadema Galliae sumens, leuioribus induitur ocreis e serico violaceis, auro temere sparso liliatis, ab Henrico Aculonio Lotharingo Principe per officium Ministro, Calcaria aptat Condaeus Princeps, Burgundo Duci suffectus. Ensem lateri accingit Cardinalis Iosua. f)*

- 4) **Officiales Imperii**, quos ad vulgarium ministerialium (**Dienst-Leute**) differentiam vocari **Dienst-Herrn**, volunt a) sua officia ab Episcopo Bambergensi, vt feuda eiusdem Ecclesiae, habere, merito negamus. Nam de aliquibus quidem bonis ditionum Electoralium, ab Officialibus Imperii sponte Bambergensi Ecclesiae oblati, atque de Officiis Bambergensi sedi, fortassis ex Henrici II. voluntate, debitis, a Praesule Bambergensi inuestiuntur: non autem de summis Officiis Imperii, quae hodie teris Electoralibus annexa sunt, et vna cum iis ab Imperatore vt feudum recognoscuntur. b)

## §. VI.

e) Borchellus l. 5. decretorum Eccles. Gall.

f) Gramondus Histor. Gall. lib. 1. p. m. 17.

a) Ex Befoldo Eyben. in electis iur. feud. p. m. 607. opp.

b) Limnaeus c. 7. lib. 3. iuris publici et addit. ad illum p. m. 356. et ad auream bullam p. m. 571.

## §. VI.

Praeter tres Archipraefules Archi-Cellariorum axiomate praefulgentes, in nostro Imperio quatuor Archi-Officiales olim celebrati sunt, Bohemus Pincerna, Palatinus Dapifer, Saxo Marfcallus, Brandenburgicus Camerarius. Infelicibus vero Friderici Bohemiae Regis et Electoris Palatini fatis, factum, vt eius gnato 1) nouum Archithesaurarii officium adici debuerit, veteri Bauaro cedente. Postquam vero Archidapiferatus dignitas ex postliminio quasi 2) ad Palatinam rediit domum, Electori Brunsvico-Luneburgensi Potentissimo suaeque lineae, Imperatoris Imperiique consensu, Archithesaurarii munus collatum est. De quo igitur Archiofficio sequenti capite, sub diuina umbra, quaedam adhuc memorabimus.

- 1) Carolus Ludouicus Princeps optimus aegris quidem multorum animis et reseruacionibus a) ex Imperatoris Imperiique consensu, vigore Artic. IV. Instr. pacis, octauo Electoris obtinuit locum, ipsique in Comitibus Ratisbonensibus 1653. Archithesaurarii officium additum est.
- 2) Ex §. 9. Art. IV. Instr. pac. id ipsum Serenissimus Elector Palatinus in notificatione sua ad Imperii Prin-

---

a) Pfanneri Historia pac. Westph. p. m. 486. Buckisch ad instr. pacis p. m. 52.



Principes de recepto Palatinatu superiori hisce: auch in Westphälischen Frieden: Schluß wohlgegründeten Zurückgang, a) innuit. Idem vice Cancellarius de Wieser et Baro de Dimanstein Palatini Legati in libello supplice pro impetranda inuestitura, auitae dignitatis Archidapiferatus, Vicariatus actus possessionis ac annexorum, vt et per bannum olim Electoris Bauariae iure postliminii reuertentium, atque Ducatum, Principatum, Comitatum, nec non priuilegiorum Regalium et quorumcunque competentium b) confirmant.

## CAPVT II. DE ARCHITHESAURARIO. BREVIARIVM.

- §. I. Penes Quaestores olim rei nummariae Romanae cura erat.
- §. II. Sub Constantino Magno et Successoribus Comes sacrum largitionum rei monetariae summam tenebat.
- §. III. In Francorum Regno tractandorum reddituum cura Reginae et Camerario commissa erat.
- §. IV. Archi-Camerarii officium et adhuc hodie apud nos durat, cui per Archithesaurariatum nihil derogatum puto.
- §. V. Archithesaurarii in Germania nostra origo.
- §. VI. Archithesaurarii in Coronationis solennibus officium.

D

§. VII.

a) Fabri Staats-Cansley parte XIII. c. X. p. 438.

b) l. c. p. 437.

§. VII. *Quare Palatini Archithesaurarii, tesseram scuto suo non indiderint.*

§. VIII. *De Imperii Vicethesaurario.*

§. I.

**R**Eges adhuc Romam habentes rem nummariam per duos Urbanos 1) curarunt Quaestores: Postquam vero res Romana insigniter creuerit, ita ut integrae sub eius potestatem redigerentur prouinciae, nummorum publicorum cura per singulas prouincias singulis quoque iniuncta est Quaestoribus.

1) Quaestorum initia nonnulli Romulo et Numae Pomilio, alii Tullio Hostilio adscribunt. Hisce Plutarchus a) ad Valerium Publicolam b) Iunii Bruti Collegam originem eorum referens obnititur. Sed quis rem tam veterem pro certo affirmaret? Quaestores creduntur deinceps in triplici fuisse differentia. Alii enim Quaestores urbano aerario praefecti erant, a quibus ut aerarii cura ad Praetorios Praetores ueret, Augustus c) iussit, a Claudio d) vero Quaestori-

---

a) In Publicola p. m. 35. edit. Basil. Sigonius de antiquo iure ciu. Roman. c. 16. p. m. 67.

b) Rosin. Antiq. Rom. correct. a Demstero c. 22. et 45. l. 7. p. m. 712. et 746. Pancirolli comment. in Notit. Imp. c. 73. p. m. 113. Franckenstein dissert. de aerario populi Romani obseru. XIII. XIV. apud Graeu. p. m. 668. seqq.

c) Suetonius in Augusto c. 36. p. m. 177. edit. Graeu.

d) Suetonius in Claudio C. XXIV. p. m. 465.

storibus reddita, Nero e) deinde a Quaestoribus ad aerarii Praefectos transtulit; Alii Quaestores parri-  
cidij, quibus rerum capitalium cura commissa erat:  
Alii demum, crescentibus Reipublicae opibus, Quaestores prouinciales, Pro-Consulibus siue Pro-Praetoribus, vt vectigalium publicorum et reddituum populi Romani manubiarumque (id est pecuniae ex praeda redactae) belli tempore curam haberent, adiungendi, constituebantur. Quorum officium, volente Augusto, postea Procuratoribus prouinciarum g) datum est. Quaestores siue Candidatos Principis ab hisce omnibus distinctos fuisse, a veritate non videtur abhorre-  
re. Per eos enim Orationes Principum in Senatu audiebantur. h) Hi Graecorum Imperatorum tempore Quaestores sacri palatii i) dicti sunt.

## §. II.

Constantino Magno Imperii habenas moderante, Res pecuniaria Romana aliam  
D 2 induit

- 
- e) Tacitus Annal. 13. Pancirollus l. c. c. 73. p. m. 113. Torren. notae ad Suetonium apud Graeuium p. m. 466.  
f) Pancirollus l. c. Grotius de I. B. et P. l. 3. c. 6. §. 16. p. m. 94. t. 3. edit. van der Muelen.  
g) Dion. l. 13. Pancirollus in comment. ad notitiam vtriusque Imperii p. m. 114. Lehman in chronico Spirensi l. 1. c. X. p. m. 23.  
h) Tacitus Ann. 16. c. 27. p. m. 334. Suetonius in Augusto c. 67. et in Nerone c. XV. p. m. 509 in Tito Vespasiano c. 6. p. 654. Procopius in Historia arcana c. XIV. Bulengerus de Imperio Rom. l. 3. p. m. 399.  
i) Perez ad Cod. XII. tit. 6. p. m. 558.

induit faciem. Summa enim curandorum reddituum publicorum Viro illustri Comiti sacrarum Largitionum 1) Purpuratorum interdum Principi permiffa est. Qui deinde Officialibus aliis 2) per Urbem et Prouincias sibi subordinatis, pecuniae in aerarium transferendae studia delegauit.

- 1) Comes sacrarum largitionum et remunerationum Thesaurorum Curatoris quoque aut Praefecti, Imperialiumque pecuniarum Quaestoris indita habens nomina a) Congiarium populo, militibus dona atque stipendia, Magistratibus ac Officialibus salaria, Comitibus Consistorii aliisque Kalend. Ianuar. strenam Principis; Senatoribus et Praetoribus Amicisque Imperatoris festo Paschatis, aut aliis diebus Imperialem elargebatur munificentiam. Quamobrem omni pecuniae publicae, ex tributis et vectigalibus exigendae, operam nauabat.
- 2) Catalogum Officialium sub dispositione viri felicitis Comititis sacrarum largitionum notitia Imperii vtriusque memoriae prodit. a) Praecipui eorum erant Comites Thesaurorum b) per omnes dioeceses, et Comites commerciorum per Orientem et Aegyptum, per Moesiam, Scythiam et Pontum. Vtrum et Imperatoris priuatam pecuniam Curanti, ad ipsius nutum

---

a) Pancirollus l. c. p. 114.

a) Pancirollus l. c. p. m. 117.

b) Du Fresne in Glossario t. 1. p. m. 1093. Spanheim ad Satyram Iuliani Apostatae in Caesares p. m. 98. edit. Par.

nutum officium suum obire incubuerit, determinare nequeo.

### §. III.

In Francorum Regno penes Camera-  
rium 1) Reginae sub auspiciis 2) aerarii cura  
erat. Huic Camerarii prouinciarum, 3) qui  
rem fiscalem per prouincias tractabant, sub-  
iuncti fuerunt.

- 1) Ludouicum Imperatorem Bernhardum Barcinonis  
Comitem Camerarium in palatio suo constituisse, An-  
nales Francici a) notant. Nithardus b) Caroli  
Magni ex filia Bertha Nepos eum, primum a Rege,  
et filii Caroli Calui Ephorum, Ducem Septimaniae  
i. e. Languedociae vocat. Hinc mihi opinio oritur,  
hunc Comitem a Garonna vsque ad Ebrum tractui  
impositum fuisse, quoad Francicae fuit ditionis. Et  
magis me in hac sententia confirmat Paulus Aemi-  
lius, c) qui eum Gothicanorum Comitem appellat.  
Visigothi enim olim per terras istas dominabantur,  
vsque dum sub Clodouaeo I. (primo Francorum Re-  
ge in Gallia ex opinione Gabrielis Danielis. Aët. erud.  
Lipsiens. ann. 1698. p. m. 154.) Gallicis Prouinciis ex-  
uti, latius per Hispaniam d) dominium suum exten-

D3

dere

a) ad annum 828.

b) de dissensu filiorum Ludouici Pii p. m. 86. in Coll. Kul-  
pisi.

c) In Ludouico Pio p. m. 130.

d) Isidorus in chron. p. m. 725. Mariana de rebus Hispani-  
cis l. 5. c. 2. Hispan. illustr. Buffier Hist. Franc. l. 1. p. m. 36.

## 30 DE ARCHITHESAVRARIO.

dere coeperint. Camerarii, qui et Praepositus Camerae Regalis interdum Thesaurarius dicebatur, munus Hincmarus e) describit.

- 2) Legi hic praeter Hincmarum Lehmannus a) meretur. Miraris forsitan Limnaeum b) supremam nummorum publicorum curam in Reginam collatam, inter alias eius praerogativas non recensuisse: Sed minime id in eo desiderari posse videtur, cum Gallici Regni statum, non ita procul ab aetatis nostrae memoria remotum, sibi potissimum describendum sumat, quo Reginam isto munere exutam fuisse, credibile est. Nam cum muliebris luxus in immensum prorumpere inciperet, ita ut parata in regni necessitates pecunia elegantiori mundo, splendidiori comitatu, opiparis epulis, aut aliis mollioris vitae irritamentis saepe impensa sit, et a Regia Coniuge male administratae provinciae non ita rigorosa exigi potuerit ratio, pedetentim ea excidisse, mihi persuasum habeo.

- 3) Cangii Glossarium a) consulendum.

### §. IV.

Archi-Camerarii spartae, cum aliis Imperii Archi-Officiis et adhuc hodie in Germania nostra vigenti, non equidem Archi-The-

---

e) l. 2. Opp. n. XXII p. m. 209. et 324.

a) in chron. Spiren. l. 2. c. XI. p. m. 63.

b) In notitia Regni Galliae c. XIX. p. m. 878.

a) t. I. p. m. 701.

Theſaurarii officio derogatum puto. Cum a longo iam tum tempore Germania noſtra aerarii publici 1) curam neglexerit. Inde Archi-Theſaurarii munus Coronae Imperialis geſtatio, et miſſilium ſparſio, 2) Coronationis ſolennibus peractis, conſtituunt.

1) Propterea, ne exterorum ludibrio ſeſe exponerent, Germani conſultius putarunt, clauem, conſuetum alias Archi-Theſaurarii τεκμήριον, omittere. Gallorum enim Theſaurarius in muneris ſui indicium ſcuti ſuo hinc auream, illinc argenteari clauem adiungere ſolet. Suecorum Archi-Theſaurarii inter Regni inſignia, in ſolennibus proceſſionibus, clauem praeferre ſolent. a) Hinc Bondii effigiei, apud Puſſendorfium b) delineatae, additam vides clauem puluino impositam, vt Theſaurariatus, quo eminebat, ſignum.

2) Quae in ſequentibus expediam.

### §. V.

Archi-Theſaurarii Officium haecenus in Germania noſtra inauditum. 1) Ab Imperatore Ferdinando III. conſentientibus Imperii Ordinibus, in gratiam Caroli Ludouici Electoris Palatini in Comitibus Ratiſbonenſibus 2) (vt

a) Wagenſeil, l. c. c. 16. p. m. 253.

b) ad p. 603. vitae Caroli Guſtaui.

(vt dictum supra) institutum, et ab Augustissimo Germanorum Romanorumque Imperatore Iosepho I. ex Imperii suffragiis, Palatino ad priorem gradum reuerso, in Serenissimum Ducem Brunsvico-Luneburgensem Georgium Ludouicum 3) S. R. I. Electorem translatum est.

- 1) Septem Thesaurarium, nomine totius Imperii pecuniae ab omnibus Imperii subditis, ad reprimendum Turcam, colligendae, praeponendorum, sub Maximiliano I. mentio fit. a)
- 2) Comitia ista, vt ea, quae adhuc ex Instrumēto pacis et executionis Recessu Noribergensi componenda, expedirentur 1653. 1654. instituta a) sunt. Ex hisce igitur, ne Electoratus absque Archiofficio esset, Archithesaurarii dignitas prodire coepit. In expedito non est determinare, vtrum Palatini sacrarum largitionum, quorum in Codice b) mentio iniicitur, huic nouo muneri occasionem praebuerint.
- 3) Piae memoriae Leopoldus Magnus Augustae Brunsvico-Luneburgicae Domus merita domi forisque clarissima, Imperatorio aliquo fauore remuneraturus, beatae quoque memoriae Ernestum Augustum, Potent-

---

a) Reichs-Abschied von dem gemeinen Pfennig zu Wormbs. n. X. p. m. 52. nouiss. edit. Rec. Imp.

a) Wicquefort discours Historique del'election de l'Empereur p. m. 223. Tolnerus in Historia Palatina c. 6. p. m. 172.

b) lib. XII. tit. XXIV.



Potentissimum quondam Brunsvico-Luneburgensium Ducem, Electorum Collegio adnumerari voluit.

Tandem Georgius Ludouicus, Princeps pace bel-  
loque inclytus, omnibusque elogiis maior quinto  
Septembris anno 1709. Imperatore Imperioque suf-  
fragantibus, Electorali Collegio introductus, et ex  
Recessu inter Leopoldum Caesarem et Ernestum  
Augustum Electorem erecto 1710. Aprilis 12. Ar-  
chi-Thesaurarii Officium consecutus est.

### §. VI.

Archi-Thesaurarium in Imperatoris aut  
Regis Romani Coronationibus Imperiale dia-  
dema sustentare 1) et missilia in populum spar-  
gere 2) decet. Imperatori aut Regi Romano  
solenniter epulantibus, ad morem Archi-Pin-  
cernae 3) in Coronationis sacris, nullum prae-  
stat officium. 4)

1) Ludouicus Bauarus Imperator Reinoldum Geldriae  
Comitem, ex Regibus ducentem genus, Ducem et  
Protouestiariarum creavit, atque ipsi eiusque haeredi-  
bus, *Regibus Romanis coronam super caput imponendi,  
deponendi, portandi et in manibus gestandi, ius conce-  
ssit.* a) Hinc absque limitatione Wagenfeilii: b) *Ma-  
iores nostros Coronae gestandae nullum constituisse Officia-  
lem,* a veritate aliena sunt. Concedo tamen tempo-  
ribus

E

a) Diploma videatur apud Leibnitium in Codice I. G. Di-  
plom. p. m. 151.

b) l. c. p. 255.

ribus ante Ludouicum Bauarum, Imperatores, vt placuit, alicui ex Germaniae Proceribus, occasione lata, id muneris indulgisse c) Maximiliano I. in Regem Germanorum inaugurato, Imperatoriam Coronam Liber Baro de Limburg d) S. R. I. Vice-Pincerna haereditarius sustinuit, qui et hoc munere in Coronatione Ferdinandi III. functus est. In Leopoldi vero et Iosephi inaugurationum sacris ista prouincia Palatinus functus est Elector. In Iosephina coronatione Libero Baroni de Sinzendorf Sub-Thesaurario Palatinus deinde Coronam porrigebat. Coronam istam clausam, qua Caesar redimitur, aliqui Caroli Magni suspicantur, e) alii Conradi II. f) reliqui Conradi I. quorum et ego opinioni accedo. Conradum I. coronam propriam gemmis pretiosissimis non solum ornata, sed grauata sumxisse, Luitprandus affirmat. g) Conradi quoque nomen semicirculo, superne innoxo h) insculptum est.

- 2) Romanorum Graecorumque iam tum temporibus solennem missilium iactum vsu receptum fuisse, scimus. Imperatores deinde nostri non prius, tamen

2

---

c) Thulemarius de Octouiratu c. XVIII. p. m. 231.

d) Actus Coronationis Maximiliani I. apud Goldast. in polit. Imper. Actus Coronat. Ioseph. p. m. 104. nouae edit. Des Heil. Römischen R. Grundfest adhaerens, conferatur.

e) Schwederus part. spec. sect. 1. c. 2. p. m. 190.

f) Tolnerus, cum Wagenseilio, in Historia Palatina p. m. 172.

g) lib. 1. p. m. 31.

h) Schwederus p. m. 190.

a) temporibus Rudolphi I. a) diadema fumentes, largitionibus Imperatoriis in confertam circumstantium turbam abiectis, hunc morem imitati sunt. Certus tamen Officialis pecuniae proiciendae ab initio non erat constitutus. Carolus V. Bononiae a Clemente VII. in Lombardorum et Romanorum Regem peruncto, Armorum Rex Haraldus paludatus aureis argenteisque nummis impletas Bulgas in vulgus euacuabat. Numismatis dextro lateri imperatoria effigies, cum inscriptione, Carolus V. Imperator Augustus; sinistro vero eiusdem Sphrageticum signum, duae scil. columnae, in quorum medio annorum Christi numerus, arithmetice apicibus expressus, circumscripto: *plus ultra*, incisum erat. b) Maximiliani II. Coronationis solennibus finitis, tres Regii corporis Custodes, equis vecti (*Hatschierer*) Regiae liberalitatis et memoriae aurea argenteaque sparserunt testimonia, c) quorum vnus lateri Regia imago, circumscriptis: *Maximilianus Dei gratia Rex Bohemiae*; alteri: *Coronatus est in Regem Romanum 1562.*, impressa erant. Matthiae Coronatione perfecta, vnum solum nummos iactasse, quem acta Co-

E 2

rona-

- 
- a) de Rudolphi I. coronatione anno 1273. Aquisgranifaceta, vide Lampadii *Politische Reichs-Händel* p. m. 32.  
 b) Agrippa de coronatione Caroli V. apud Gold. in *polit. Imper.* p. m. 339.  
 c) Goldastus in *Politischen Reichs-Händeln* p. m. 73. in *polit. Imperialibus* p. 73. Heidenus in latina translatione actus coronationis apud Goldast. *polit. Imperial.* part. 1. p. 150.

ronationis Regium ministrum simpliciter vocant, Thuani autem Continuator caduceatorem, asserunt. d) Goldastus e) Satellitum, equis insidentium (etliche Archibuser Reuter) quendam, Matthia Caesare constituto, aureae et argenteae monetae duplex disseminasse genus, tradit. Maioris vni lateri: *Matthias D. G. H. B. Rex Coronatus in Regem Romanum 24. Iunii 1611.* alterius medio Corona et solis et lunae radiis illustris, hoc lemmate: *Lumine maius concordia*, inscripta erant. Minor omnia antedicta, praeter Caesaris imaginem, continebat. Ferdinandi III. capiti insigni imperiali imposito, duo Regii Nummularii spargendae monetae officio functi sunt. f) Archithesaurarius hodie munus suum exercens, equo elatus, ex marsupiiis, ab Imperatore determinatam summam continentibus, ipsique a pedissequis subministratis, nummos depromere et in vulgus prosternere solet. g) In Coronatione Augustissimi nostri Iosephi Palatinus Elector ex Curia manus nummis aureis argenteisque refertas, vno latere Imperatorium Symbolum: *amore et timore*, ensē lauro fasciatum circumcingens; altero coronam Imperatoriam, adscriptis: *Iosephus Rex Hung. Coronatus in Regem Romanorum Augustae d. 26. Ianuar. 1690.* referentibus, in densissimum populi globum

exo-

- 
- d) Wagenfeil. de Officialibus et Subofficialibus Imperii p. m. 256.  
 e) in *Politischen Reichs-Handeln* p. 103.  
 f) Carpzovius ad legem regiam c. II. sect. X.  
 g) Wagenfeil. l. c. p. m. 259.

exoneravit. Reliquam monetam Comes de Sinzendorf, iumento eminens, in publicum disperfit. h) Morem, quo Archi-Thesaurarius ipse equum in spissam agebat multitudinem, ut in ipsam imperatoriam proiiceret liberalitatem, tristi Caroli Ludouici, prima vice in Coronatione Ferdinandi IV. Archi-Thesaurarii munus exercentis, casu, exluisse videtur. Illum enim Asturcon ferox, frementi hominum concioni parum assuetus, terrae afflixit. Quocirca ipse Carolus Ludouicus Leopoldi coronationi praefens, paucos emensus passus, sparsionis initio facto, retrogressus est.

- 3) Bohemum nullum Imperii Clinodion in coronatione Imperatoris praeferre, rerum germanicarum non penitus expertibus notum est. Actus enim coronationis, quorum aliquos Goldastus a) colligit, illud manifeste indicant.
- 4) Non puto necessum, ut unusquisque Archiofficium Imperatoriae officium aliquod praestet mensae, ut Limnaeus, sese excrucians, quale ministerium ad Regias epulas Palatino conferendum, opinari videtur. a) Nam et ipse Archi-Marescallus epulanti, aut ad epulas se praeparanti Imperatori nullum exhibet officium; nisi quod olim Bauaro tauri assati portionem Imperatoris dapibus adpo-

E 3

nenti,

h) Actus coronationis et electionis Iosephi I. nouiss. edit. der Grundsätze des Heil. Römischen Reichs adiunctus p. m. 109.

a) in Politischen Reichs. Handeln.

a) Observat. ad c. 27. §. 4. Aureae bullae p. m. 188.

nenti, ex consuetudine potius, quam necessitate antequirit. b)

### §. VII.

Palatini scuto suo vacuum ab Imperiali pomo parmulam noua, Archi - Thesaurarii munus designante, tessera implere noluerunt. Fortassis, quod praeficiens ipsis fixa fuerit spes, fore ut aliquando ablatum ipsis restitueretur pomum.

- 1) Becmanni a) exinde assertio, Coronam Palatini scuto additam docentis, reiicitur, cui errori autor quoque *der jetzt regierenden Welt grosser Schaubühne* subscribit. Praeter experientiam veriore opinio- nem Thulemarius b) et Spenerus c) adstruunt. Non dubito tamen, quin Electorale Brunswicensium Scutum Corona Imperialis in posterum ornatura sit.

### §. VIII.

Ad nouum istud Palatini Archioffici-  
Germaniae Clarissimarum stirpium non pau-  
cae erant lactissimae, ex instituendo Vice-  
Thesau-

---

b) Limn. Iur. publ. lib. 2. c. 5. n. 10.

a) in Notitia dignitatum illustrium dissertat. IIX. c. 2. §. 7. p. m. 230.

b) De Octouiratu C. XIII. p. m. 232.

c) Operis Heraldic. part. special. 13. c. 27. p. m. 674.

Theſaurarii munere nouum dignitatis augmentum ſibi pollicitae. Sed fors iſta Sinzendorſis, inter Germaniae Proceres natalibus et virtutibus admodum notis, contigit.

1) In Comitibus Ratiſbonenſibus, 1653. celebratis, Imperatoris et Ordinum conſenſu Georgium Ludouicum Camerae Imperialis Aulicae Praefidem, et Ioachimum Conſiliarium Imperatoris Aulicum Sinzendorſios Sub-Theſaurarii munus accepiffe, memoriae proditum eſt a Lampadio, a) Sinzendorſios hos, cognatione aliqua coniunctos, pro fratribus habuiſſe, et honorum gradus, Sinzendorſis poſt demum collatos, iſis tribuiſſe, vt humanae imbecillitatis effectus condonari poteſt. Vtrum vero, ad Wagenſeili exemplum, iſi vitio, verti poſſit, circa Sub-Theſaurarii officium Imperatori et Imperio aliquas adſcripſiſſe partes, non aequè liquet. Nam Imperii Subofficiales eligendos, ab officialibus domeſticis non haereditariis diſtinctos, a ſolo Archiofficialis arbitrio pendere, non pauci in dubium vocant, creandi Subofficiales Imperii ius, reſeruatis Imperatoriis annumerantes. Non tamen reſuſtare volo, Sinzendorſios Electori Palatino, vt gratia Imperatoris, et ſummorum eius Miniſtrorum amore valentes, prae aliis fuiſſe acceptos. Nec credo Sereniſſimum Georgium Ludouicum eiusque Poſteros circa Subofficialis mutationem ſollicitum fore, quamdiu Sinzendorſianorum aliquis, Maiorum veſtigii inhaerens, ſuperſtes erit.

---

a) in Politischen Reichs-Händeln. p. 16.

